



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 91. De Characterē, & receptione Spiritus Sancti in Ordinatione.

---

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

omnes Theologi, quod Ordo sit Sacra-  
 mentum, defendant, atque Concilium  
 Florentinum, quod maximæ auctori-  
 tatis est, disertis verbis defini-  
 erit, Ordinem esse Sacramentum.

Sæcul. XV.  
 A.C. 1562.

§. XCI.

*De Charactere, & receptione Spi-  
 ritus sancti in Ordinatione.*

Nec minus variæ audiebantur opinio-  
 nes a tertiæ classis Theologis, qui  
 sextum discutiebant articulum de Ordinis  
 materia, ejusque ritibus, necnon de  
 eo, quem imprimit, Charactere, & de  
 gratia, quam confert: equidem inter  
 omnes conveniebat, Spiritum Sanctum  
 & dari, & accipi in Ordinatione: qui-  
 dam tamen dicebant, Spiritum San-  
 ctum in propria persona dari: alii vero  
 inquebant, eundem donari in gratia,  
 qua de re multa fuit disceptatio, sed  
 inter eos, qui de ea, quæ confertur,  
 gratia differebant, acrior erat conten-  
 tio, qua discutiebant, utrum detur gra-  
 tia justificationis, an vero donum offi-  
 cii exercendi: porro illi Sententiæ prio-  
 ris fundamentum in eo ponebant, quod  
 omnia Sacramenta largiantur gratiam  
 justificationis: isti e contrario defen-  
 debant, quod ea ab impœnitente re-  
 cipi non possit, qui tamen accipit Or-  
 dinem. Ceterum quoad characterem,

Sarp. l. 6.

D d 5 licet



Sæcul. XVI.  
A.C. 1562.

licet omnes concordēs censuissent, eum in Sacerdotio imprimi, erant tamen opiniones variæ; quidam enim illum in Sacris tantum, alii vero in omnibus Septem Ordinibus imprimi affirmabant: quæ utraque sententia S. Bonaventuræ visa est probabilis: interim nonnullis placebat distinctio Durandi Mendensis Episcopi, qui docuit: "si per caracte-  
"rem intelligitur potestas producendi a-  
"liquam actionem supernaturalem, &  
"spiritualem, tunc hic a solis Sacer-  
"dotibus accipitur, cum hi tantum pro-  
"ducere possint Spirituales consecrandi,  
"& peccata remittendi effectus: si vero  
"per characterem intelligitur Deputa-  
"tio ad officium speciale, cuilibet Or-  
"dini Character est proprius. Verum hæc opinio tanquam periculosa rejicie-  
"batur, cum Lutheri affectis favere cen-  
"seretur, qui Characterem in deputa-  
"tione consistere affirmant, quatenus  
"quispiam ad cujusdam muneris exerci-  
"tium designatur, ac proin, quamprimum homo cessat esse deputatus ad  
"ejusmodi muneris exercitium, mox et-  
"iam illius character evanescat: itaque  
"censebant alii, quod omnino opus foret,  
"ut in omnibus Sacris Ordinibus  
"proprius, ac haud delendus character  
"constituatur. Major adhuc de Episco-  
"patu erat controversia; innovabatur e-  
"nim



nim illa quæstio: an sit Ordo specialis, ac characterem imprimat? porro id affirmabant plures, eoquod Episcopatus binas, ac speciales, easque sacras operationes complectatur, scilicet confirmationem, & Ordinum collationem, ad quas exercendas donum, ac specialis character requiratur.

Sæcul. XVI.  
A.C. 1562.

§. XCII.

*Articulus de Unctione, atque ritibus ad examen vocatus.*

Cum sententiæ rogarentur circa Unctionem, & Sacras cæremonias in Ordinibus conferendis usitatas, omnes Theologi unanimi suffragio temeritatem Lutheranorum damnabant, eoquod hi contra sacram hanc unctionem, ritusque tam petulanter infurrexerint: nihilominus contendebant nonnulli, quod illæ Unctiones, ac cæremoniæ, quæ omnino requirerentur, ab illis minus necessariis distinguerentur: cum autem definiri oporteret, quænam ex hisce Unctionibus, ac cæremoniis plus, minusve sint necessariæ, non una omnium erat sententia; quippe quidam Lusitanæ Regis Theologus, jurisque Canonici Doctor nomine Melchior Cornelius, cujus jam supra meminimus, ita declamabat: "manuum impositio sola est cæremonia, quæ *essentialis* appellari  
„mere"